

Na osnovu čl. 10 Statuta Općine Centar Sarajevo-Prečišćeni tekst („Službene novine Kantona Sarajevo“, broj 23/04) i člana 27. Poslovnika Općinskog vijeća Centar Sarajevo –Prečišćen tekst („Službene novine Kantona Sarajevo“ br. 23/04,11/13,13/17,24/19,31/19, 29/20 i 2/24), Općinsko vijeće Centar Sarajevo je, na 37. redovnoj sjednici održanoj 06.03.2024.godine, donijelo

O D L U K U

O OSNIVANJU KOMISIJE ZA OBRAZOVANJE

Član 1.

Ovom odlukom osniva se Komisija za obrazovanje (u daljem tekstu: Komisija), uređuje se nadležnost, broj članova, sastav, te način rada Komisije.

Član 2.

Komisija obavlja slijedeće poslove:

- Razmatra pitanja iz oblasti obrazovanja, predlaže mjera za unapređenje stanja u ovoj oblasti;
- Razmatra i daje primjedbe, mišljenja i sugestije o nacrtima zakona i podzakonskih akata koje predlaže nadležna općinska služba iz oblasti obrazovanja;
- Razmatra pitanja stanja obrazovnih ustanova, njihovog razvoja i predlaže mjere za poboljšanje i unapređenje stanja;
- U saradnji sa nadležnom općinskom službom predlaže Općinskom načelniku prioritete za finansiranje obrazovnih ustanova u okviru planiranih budžetskih sredstava;
- Razmatra informacije koje dostavlja nadležna općinska služba i na osnovu istih obavještava Općinsko vijeće o stanju i potrebama ustanova i pojedinaca iz oblasti obrazovanja;
- U saradnji sa nadležnom službom učestvuje u pripremi preliminarne i konačne rang liste stipendista Općine Centar Sarajevo;
- Daje mišljenje, prijedloge i direktno učestvuje u svim programima i manifestacijama koje se organizuju u saradnji sa obrazovnim ustanovama;
- Sarađuje sa općinskim službama za upravu za rješavanje pitanja iz svog djelokruga;
- Ostvaruje stalnu saradnju i pruža podršku službi nadležnoj za obrazovanje;
- Sva ostala pitanja iz oblasti obrazovanja bit će definisana Poslovníkom o radu Komisije;

Član 3.

U Komisiju se za članove imenuje po jedan predstavnik Klubova vijećnika koji djeluju u Općinskom vijeću Centar Sarajevo.

Član 4.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u „Službenim novinama Kantona Sarajevo“.

Broj: 01-04-27/24

Sarajevo, 12.03.2024. godine



Ova Odluka objavljena je na oglasnoj ploči Općine Centar Sarajevo dana

15-03-2024



Na osnovu člana 363. stav 3. tačka 3. Zakona o stvarnim pravima FBiH («Službene novine Federacije BiH», br. 66/13 i 100/13), člana 33. Odluke o građevinskom zemljištu Općine Centar Sarajevo («Službene novine Kantona Sarajevo» br. 17/15, 32/21, 40/21 i 52/21), čl. 10. i 68. Statuta Općine Centar Sarajevo – Prečišćen tekst («Službene novine Kantona Sarajevo», broj 23/04), u predmetu prodaje neizgrađenog građevinskog zemljišta u svrhu izgradnje KBTS 10(20)/0,4 Kv Nahorevsko brdo (3090) sa priključnim 10(20) Kv KB i NN na prvo uporište (NN stubove) na lokalitetu Nahorevska brda, po zahtjevu JP „Elektroprivreda“ d.d. Sarajevo, Općinsko vijeće Općine Centar Sarajevo, na 37.redovnoj sjednici, održanoj dana 06.03.2024. godine, donijelo je

O D L U K U

**o prodaji neizgrađenog građevinskog zemljišta
neposrednom pogodbom označenog kao k.č. 1/302 iz zk.ul. 12742 k.o. Koševo,
radi izgradnje KBTS 10(20)/0,4 Kv Nahorevsko brdo (3090) sa priključnim 10(20)
Kv KB i NN na prvo uporište (NN stubove) na lokalitetu Nahorevska brda**

Član 1.

Općina Centar Sarajevo prodaje neposrednom pogodbom neizgrađeno građevinsko zemljište označeno kao k.č. 1/302 nastala od k.č. 1/1 po kulturi pašnjak, površine 6 m², upisano u zk.ul. broj 12742 k.o. Koševo, sa upisanim pravom vlasništva u korist Općine Centar Sarajevo, stari premjer, što po novom premjeru odgovara k.č. 1938/3 nastala od k.č. 1938/1 po kulturi prilazni put, površine 6 m² k.o. Nahorevo.

Član 2.

Zemljište navedeno u članu 1. ove odluke prodaje se JP „Elektroprivreda“ d.d. Sarajevo, u svrhu izgradnje KBTS 10(20)/0,4 Kv Nahorevsko brdo (3090) sa priključnim 10(20) Kv KB i NN na prvo uporište (NN stubove) na lokalitetu Nahorevska brda.

Član 3.

Zemljište iz člana 1. ove odluke, **u površini od 6 m²**, prodaje se po cijeni od **101,00 KM/m²**, što ukupno iznosi **606,00 KM** (slovima: šeststotinašest konvertibilnih maraka), koju je kupac dužni uplatiti, na depozitni račun za prikupljanje javnih prihoda Općine Centar Sarajevo, otvoren kod UniCredit banke d.d. Sarajevo, broj: **3386902296575219**, Vrsta prihoda: **722431**; Općina: **077**; Budžetska organizacija: **000000**; Poziv na broj: **0527335230**, prije zaključenja ugovora o prodaji.

Član 4.

Ovlašćuje se Općinski načelnik Općine Centar Sarajevo da nakon stupanja na snagu ove Odluke sa kupcem predmetnog zemljišta, zaključi notarski obrađen ugovor o kupoprodaji nekretnina iz člana 1. ove odluke, po prethodno pribavljenom mišljenju Općinskog Pravobranilaštva.

Sve troškove oko realizacije ovog pravnog posla snosit će kupac.

Član 5.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj:01-27-174/24

Sarajevo,12.03.2024.godine



Ova Odluka objavljena je na oglasnoj ploči Općine Centar Sarajevo dana

13-03-2024

Na osnovu čl. 13. i 35. stav 3. Zakona o principima lokalne samouprave ("Službene novine Federacije BiH", br. 49/06 i 51/09), odredbi Zakona o zakupu stana ("Službene novine Kantona Sarajevo", broj 24/15), odredbi čl. 10. i 68. Statuta Općine Centar Sarajevo ("Službene novine Kantona Sarajevo", broj 23/04), odredbi člana 87. i 88. Poslovnika Općinskog vijeća Centar Sarajevo ("Službene novine Kantona Sarajevo", br. 23/04, 11/13, 13/17, 24/19, 31/19 i 29/20), Općinsko vijeće Centar Sarajevo je, na 37. redovnoj sjednici održanoj dana 06.03.2024.godine, donijelo

ODLUKE O IZMJENAMA I DOPUNAMA ODLUKE O ZAKUPU STANOVA OPĆINE CENTAR SARAJEVO

Član 1.

U članu 3. briše se stav 2.

U članu 3., dodaje se novi stav 2. koji glasi:

„(2) Na osnovu zaključenog sporazuma sa Ministarstvom za boračka pitanja Kantona Sarajevo, Općina Centar Sarajevo će putem Komisije za stambene poslove, u saradnji sa Službom za stambene i komunalne poslove omogućiti rješavanje stambenog pitanja putem zakupnog odnosa licima iz boračke populacije u stambene jedinice koje će biti adekvatno sanirane, te omogućiti poboljšanje uslova stanovanja licima iz boračke populacije kojima je već dodijeljena stambena jedinica putem zakupa, a kojoj je potrebna sanacija.“

Član 2.

U članu 6. stav 1. tačke 1.,2.,3. i 4. brišu se, a tačke od 5.-14. postaju tačke od 1.-10.

U članu 6. stav 1. tačka 14. umjesto tačke stavlja se zarez i dodaju riječi „bez obzira na prebivalište“.

Član 3.

Iza člana 6. dodaje se novi član 6a. koji glasi:

„Član 6a.

(Davanje stanova u zakup kategorijama lica iz boračke populacije)

(1) Stanovi iz člana 2. tačka c), nakon sanacije, se mogu dati u zakup licima koja imaju prebivalište na području Općine Centar Sarajevo i nemaju riješeno stambeno pitanje, a spadaju u kategoriju lica iz boračke populacije i to:

1. Članovima porodice šehida-poginulog borca koji su bili pripadnici Armije R BiH i MUP-a,
2. Ratnim vojnim invalidima pripadnicima Armije RBiH i MUP-a,
3. Demobilisanim borcima pripadnicima Armije RBiH i MUP-a,
4. Nosiocima najvećih ratnih priznanja i odlikovanja.

(2) Izuzetno, mogućnost sanacije stanova u cilju poboljšanja uslova stanovanja pripada i licima iz boračke populacije kojima je već dodijeljena stambena jedinica putem zakupa, a kojoj je potrebna sanacija.

Član 4.

U članu 7. stav 1. u drugoj alineji iza riječi „Zavoda“ briše se „i“, stavlja zarez i dodaje treća alineja – „SOS Dječija sela BiH“, za štíćenike organizacije i“

Alineja 3. postaje alineja 4.

Član 5.

U članu 10. stav. 1. iza riječi „člana 6. stav 1.“, dodaju se riječi „i člana 6a. stav 1.“.

U članu 10. stav 2. iza riječi „Centar“ dodaju se riječi „(fotografije stanova će biti dostupne na web stranici)“.

Član 6.

U članu 11. stav 1. iza riječi „lica“ dodaju se riječi „iz člana 6“.

U članu 11. stav 1. alineja 4. briše se.

U članu 11. stav 1. tačka „Stambeni status“, alineja 1. iza riječi „fizičke osobe“ dodaju se riječi „(ugovor ne može biti zaključen na period kraći od 3 mjeseca)“

U članu 11. stav 1. tačka „Stambeni status“ alineje 2. i 3. brišu se.

U članu 11. stav 1. tačka „Vrijeme prebivališta podnositelja zahtjeva na teritoriji općine Centar“ dodaje se stav 2. koji glasi:

„Umjesto prebivališta, za uposlenike jedinstvenog općinskog organa uprave i Pravobranilaštva Općine Centar, za svaku godinu radnog staža ostvarenog u Općini Centar Sarajevo, podnositelju zahtjeva pripada - 1 bod, a najviše 20 bodova.“

U članu 11. stav 1. tačke „Sudjelovanje u Oružanim snagama R BiH“, „Članovi porodice poginulih pripadnika oružanih snaga R BiH i MUP-a“, „Ratni vojni invalidi“, „Nosioći najvećih ratnih priznanja i odlikovanja“, brišu se.

U članu 11. stav 2. tačka a) briše se, a tačke b), c) i d) postaju tačke a), b) i c).

Član 7.

Iza člana 11. dodaje se član 11a. koji glasi:

„Član 11a.

(Mjerila za utvrđivanje rang liste za lica iz člana 6a)

(1) Mjerila za utvrđivanje rang liste za lica koja se vrednuju i izražavaju u bodovima su:

- stambeni status
- socijalno-zdravstveni status
- vrijeme prebivališta na teritoriji Općine Centar
- sudjelovanje u oružanim snagama R BiH i MUP-a

Stambeni status

Prema stambenom statusu podnositelja zahtjeva utvrđuju se bodovi:

- podstanar kod pravne ili fizičke osobe (ugovor ne može biti zaključen na period kraći od 3 mjeseca) - 15 bodova

Socijalno-zdravstveni status

Socijalno-zdravstveni status podnositelja zahtjeva utvrđuje se prema visini primanja, broju članova porodičnog domaćinstva, nesposobnosti za rad, te mentalnog ili tjelesnog oštećenja.

a. visina primanja

Podnositelju zahtjeva utvrđuju se bodovi prema ukupnim prosječnim mjesečnim neto primanjima porodičnog domaćinstva, ostvarenim u godini koja prethodi godini podnošenja zahtjeva i to:

Za primanja do 50% prosječne mjesečne neto plaće isplaćene u Federacije BiH prema posljednjim statističkim podacima - 10 bodova.

b. broj članova porodičnog domaćinstva

Za svakog odraslog člana porodičnog domaćinstva, uključujući i podnositelja zahtjeva dodaje se - 2 boda.

Za svakog maloljetnog člana porodičnog domaćinstva dodjeljuje se - 3 boda.

c. starosna dob:

Osobe do 38 godina - 5 bodova.

d. nesposobnost za rad - mentalno ili tjelesno oštećenje

Na osnovu opće nesposobnosti za rad podnositelja zahtjeva ili punoljetnog člana porodičnog domaćinstva utvrđene na osnovu rješenja nadležnog organa, podnositelju zahtjeva pripada - 10 bodova.

Na osnovu mentalnog ili tjelesnog oštećenja malodobnog člana porodičnog domaćinstva podnositelja zahtjeva, utvrđenog nalazom i mišljenjem vještaka, podnositelju zahtjeva pripada - 10 bodova.

Vrijeme prebivališta podnositelja zahtjeva na teritoriji općine Centar

Za svaku godinu neprekidnog prebivališta na teritoriji općine Centar Sarajevo, podnositelju zahtjeva pripada - 1 bod, a najviše 20 bodova.

Sudjelovanje u Oružanim snagama R BiH

Podnosiocu zahtjeva po osnovu učešća u Oružanim snagama za svaki mjesec učešća u periodu od 06.04.1992.-02.12.1995. godine pripada - 0,5 bodova.

Članovi porodice poginulih pripadnika oružanih snaga R BiH i MUP-a

Porodici poginulog pripadnika Oružanih snaga R BiH i MUP-a po ovom kriteriju pripada - 30 bodova.

Ratni vojni invalidi

Po osnovu stepena invalidnosti podnosioca zahtjeva koji je ratni vojni invalid pripadaju sljedeći bodovi:

- I grupa (RVI 100%) 23 boda

- II grupa (RVI 100%) 20 bodova

- III grupa (RVI 90%) 18 bodova
- IV grupa (RVI 80%) 16 bodova
- V grupa (RVI 70%) 14 bodova
- VI grupa (RVI 60%) 12 bodova
- VII grupa (RVI 50%) 10 bodova
- VIII grupa (RVI 40%) 8 bodova
- IX grupa (RVI 30%) 6 bodova
- X grupa (RVI 20%) 4 boda

Nosioci najvećih ratnih priznanja i odlikovanja

Nosioci zlatnog ljiljana i zlatne policijske značke - 20 bodova

Članovima porodice nosioca zlatnog ljiljana i zlatne policijske značke (nakon njihove smrti) – 15 bodova

Nosioci povelje sa Zlatnim ljiljanom Općine Centar, te članovima porodice dobitnika Plakete sa Zlatnim ljiljanom - 10 bodova

Stambeni status

(2) Ako dva ili više podnosilaca prijave ostvare jednak broj bodova, prednost na rang listi ima onaj podnosilac prijave koji ima najviše bodova prema sljedećim kriterijima:

- a) vrijeme provedeno u Oružanim snagama;
- b) vrijeme prebivališta na teritoriji općine Centar."

Član 8.

U članu 13. stav 4. riječi „u trajanju od 15 dana“ zamjenjuju se riječima „u trajanju od 8 dana“.

Član 9.

U članu 14. stav 2. iza riječi „Doma“ dodaju se riječi „i SOS Dječijih sela u BiH“.

Član 10.

U članu 18. dodaje se novi stav 3. koji glasi:

„(3) Izuzetno, iznos zakupnine za stan koji se nalazi u suterenu umanjuje se za 50% u odnosu na iznos koji je utvrđen u stavu 2. ovog člana (osim stanova koji se izdaju putem neposredne pogodbe kojima je već umanjena zakupnina za 50%).“

Član 11.

U članu 19. stav 7. iza riječi „te pripadnike Armije RBiH i MUP-a“ dodaju se riječi „i šehidske porodice/porodice poginulih boraca“, a riječi „tačka 13.“ zamjenjuju se riječima „tačka 9.“

U članu 19. stav 8. iza riječi „zoni“ stavlja se zarez i dodaju riječi „kao i stanovi koji su putem investicionog održavanja adaptirani“.

Član 12.

U članu 25. dodaje se novi stav 9. koji glasi:

„(9) Zakupac je dužan da sa članovima porodičnog domaćinstva, koji su navedeni na kućnoj listi, u roku od 30 dana od dana zaključenja ugovora o zakupu evidentira prevalište na adresi stana koja je predmet zakupa.“

Član 13.

U članu 36. iza stava 2. dodaje se stav 3. koji glasi:

„(3) Izuzetno od stava 1. ovog člana, vlasnici sustanarskog dijela stana koji bez pravnog osnova duži vremenski period koriste drugi dio stana u sustanarstvu, a koji je vlasništvo Općine Centar Sarajevo, i za koje je/nije pokrenut postupak iseljenja kod nadležnog organa ili za koje nije doneseno rješenje o povratu stana ili za koje je pokrenut postupak iseljenja ali isti nije okončan, do dana stupanja na snagu ove Odluke, mogu Komisiji za poslove iz stambene oblasti podnijeti zahtjev za zaključenje ugovora o zakupu, mimo javnog oglasa.“

U članu 36. stav 3. iza riječi „stava 2.“ dodaju se riječi „i 3“.

Stavovi 3. i 4. postaju stavovi 4. i 5.

Iza stava 5. dodaje se novi stav 6. koji glasi:

(6) Uz zahtjev za zaključenje ugovora o zakupu za lica iz stava (3) ovog člana, podnosilac zahtjeva prilaže dokumentaciju kojom dokazuje da je vlasnik sustanarskog dijela stana.

Stavovi 5. i 6. postaju stavovi 7. i 8.

Član 14.

Član 37. mijenja se i glasi:

„Član 37.

(Zakup putem neposredne pogodbe)

- (1) Stanovi za koje nadležna Služba procjeni da nisu uslovni za stanovanje, mogu se dati u zakup putem neposredne pogodbe, objavljivanjem Javnog oglasa. Javni oglas raspisuje Općinski načelnik putem Službe i isti se objavljuje na web stranici i oglasnoj ploči Općine Centar Sarajevo. Fotografije stanova će biti dostupne na web stranici.
- (2) Stanovi iz stava (1) ovog člana mogu se dati fizičkim licima koja imaju prebivalište na teritoriji općine Centar, kao i uposlenicima jedinstvenog općinskog organa uprave i Pravobranilaštva Općine Centar, bez obzira na prebivalište, a koja, shodno članu 8. ove Odluke, nemaju riješeno stambeno pitanje, samo pod uslovom da ta lica iskažu pisanu spremnost i saglasnost da će o svom trošku dovesti stan u stanje korištenja bez prava na povrat uložениh sredstava.
- (3) Prijava na Javni oglas za davanje stana u zakup putem neposredne pogodbe sa propisanom dokumentacijom, podnosi se Komisiji putem Službe. Podnosilac prijave dužan je priložiti dokumentaciju koja bude tražena u Javnom oglasu i prijavnim obrascima.
- (4) Nepotpune i neosnovane prijave neće se uzimati u razmatranje o čemu će se podnosilac prijave pisanim putem obavijestiti.
- (5) Nakon razmatranja podnesenih zahtjeva, Komisija utvrđuje pojedinačne prijedloge odluka o zakupu stana, koje se dostavljaju Općinskom vijeću na usvajanje. Na osnovu usvojenih Odluka općinski načelnik zaključuje ugovor o zakupu stana.
- (6) Prednost prilikom davanja stana u zakup će se dati podnosiocu prijave koji ima prijavljeno prebivalište na području općine Centar prema dužini trajanja istog, odnosno za uposlenike prema dužini trajanja radnog staža.
- (7) Obaveza plaćanja zakupnine licima kojima stanovi budu dati u zakup shodno odredbama ovog člana počinje teći istekom 60 dana nakon potpisivanja ugovora o zakupu, a obračunavati će se prema pravilima utvrđenim u članu 18. ove Odluke, s tim što će, za period trajanja prvog zaključenog ugovora zakupnina za stan biti umanjena za 50%.
- (8) Stan se zapisnički predaje u zatečenom stanju, a kontrolu osposobljavanja stana vrši nadležna Služba.
- (9) Ugovor o zakupu stana sadrži sve elemente definisane u članu 17. ove Odluke i zaključuje se u pisanoj formi na period u trajanju do pet godina.
- (10) Nakon isteka perioda zakupa stana, ugovor o zakupu stana može se produžavati za

isti period i pod istim uslovima (umanjena zakupnina za 50%), ukoliko nema zakonskih smetnji i ukoliko zakupac ispunjava sve svoje obaveze preuzete ugovorom.

(11) Ukoliko zakupac nema dugovanja po osnovu dospjele zakupnine, stan koristi u skladu sa ugovorom i ukoliko nema zakonskih smetnji, općinski načelnik će pozvati zakupca na zaključenje novog ugovora o zakupu najkasnije 30 dana prije isteka ugovora o zakupu.

(12) Ukoliko se zakupac iz prethodnog stava pismeno ne odazove pozivu smatraće se da nema interes za dalje korištenje stana i isti je dužan istekom ugovora o zakupu predati stan zakupodavcu slobodan od lica i stvari, a u suprotnom će se smatrati bespravним korisnikom, te će se tražiti njegovo iseljenje prema propisima koji štite vlasnička prava zakupodavca.

(13) Zakupac kome je stan dat u zakup shodno odredbama ovog člana, nema pravo tražiti naknadu odnosno povrat sredstava uložениh u osposobljavanje stana i dovođenje stana u stanje korištenja.

(14) Pitanja redovne i hitne opravke stana, prava na podzakup, pravo korištenja stana, prestanak ugovora o zakupu i druge obaveze zakupca i zakupodavca definisati će se ugovorom o zakupu, a u skladu sa odredbama Zakona i ove Odluke."

Član 15.

U članu 40. iza stava 1. dodaje se novi stav 2. koji glasi:

„(2) Postupci koji su započeti prije stupanja na snagu ove Odluke okončaće se prema odredbama važeće Odluke („Službene novine Kantona Sarajevo“, broj 17/23).“

Član 16.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će biti objavljena u „Službenim novinama Kantona Sarajevo“.

Broj:01-19-1377/24

Sarajevo,12.03.2024.godine



Ova odluka je objavljena na oglasnoj ploči Općine Centar Sarajevo dana 13-03-2024

Na osnovu člana 363. stav (2) Zakona o stvarnim pravima Federacije Bosne i Hercegovine („Službene novine Federacije Bosne i Hercegovine“, br. 66/13 i 100/13), čl. 3. i 9. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine Federacije Bosne i Hercegovine“, broj 17/14), i čl. 10. i 68 Statuta Općine Centar-prečišćeni tekst („Službene novine Kantona Sarajevo“, broj 23/04) Općinsko vijeće Centar Sarajevo je, na 37. sjednici održanoj dana 06.03.2024.godine, donijelo

ODLUKU
O IMENOVANJU KOMISIJE ZA PROVOĐENJE JAVNOG NADMETANJA-LICITACIJE
ZA RASPOLAGANJE NEKRETNINAMA U VLASNIŠTVU OPĆINE CENTAR SARAJEVO

Član 1.

Imenuje se Komisija za sprovođenje javnog nadmetanja - licitacije za raspolaganje nekretninama u vlasništvu Općine Centar Sarajevo u sastavu:

1. Lajla Ćosović, predsjednica Komisije
2. Dženan Mulić, član
3. Hamdija Hasanović, član

Član 2.

Za zamjenike predsjednika i članova Komisije imenuju se:

1. Aida Koluder-Agić, zamjenica predsjednice
2. Amra Zulfikarpašić, zamjenica člana
3. Munira Nović, zamjenica člana

Član 3.

Postupak javnog nadmetanja/licitacije Komisija provodi u skladu sa odredbama Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine Federacije Bosne i Hercegovine“, broj 17/14).

Član 4.

Mandat Komisije traje jednu godinu od dana imenovanja.

Član 5.

Predsjednik i članovi Komisije imaju pravo na naknadu u skladu sa odlukom Općinskog vijeća.

Član 6.

Ova odluka stupa na snagu narednog dana od dana objavljivanja na oglasnoj ploči Općine Centar, a naknadno će se objaviti u „Službenim novinama Kantona Sarajevo“.

Broj:01-45-188/24

Sarajevo,12.03.2024. godine

Ova odluka je objavljena na oglasnoj ploči Općine Centar dana

13-03-2024



Na osnovu člana 10. Zakona o cestama Federacije Bosne i Hercegovine ("Službene novine Federacije Bosne i Hercegovine", br. 12/10, 16/10 i 66/13) i čl. 10. i 68. Statuta Općine Centar Sarajevo – Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo, na 37.redovnoj sjednici, održanoj dana 06.03.2024. godine, donijelo je

O D L U K U

O PRESTANKU STATUSA JAVNOG DOBRA U OPĆOJ UPOTREBI

Član 1.

Utvrđuje se da je izgubilo status javnog dobra u općoj upotrebi zemljište označeno kao k.č. 1800/2, po kulturi gradilište, površine 10m², koje se u zk. ul. broj 547, k.o. Sarajevo IV, vodi kao Javno dobro, i k.č. 1800/4 po kulturi dvorište površine 106m², koje se u zk.ul. broj 546 k.o. Sarajevo IV vodi kao Javno dobro.

Član 2.

Zemljišnoknjižno odjeljenje Općinskog suda u Sarajevu će nakon stupanja na snagu ove Odluke brisati upisano Javno dobro u „B“ listu zk.ul. br. 547 i 546 k.o. Sarajevo IV, te na parcelama označenim kao k.č. 1800/2 po kulturi gradilište, površine 10 m² k.o. Sarajevo IV, i k.č. 1800/4 po kulturi dvorište, površine 106 m² k.o. Sarajevo IV, upisati pravo vlasništva u korist Općine Centar Sarajevo sa dijelom 1/1.

Član 3.

Ova Odluka stupa na snagu narednog dana od dana objavljivanja na Oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj:01-27-172/24
Sarajevo,12.03.2024. godine

PREDSJEDAVAJUĆI
OPĆINSKOG VIJEĆA CENTAR
SARAJEVO

mr. Sejad Đozo



Ova Odluka objavljena je na oglasnoj ploči Općine Centar Sarajevo dana

13-03-2024

Na osnovu člana 13. stav 2. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), čl. 10., 38. i 68. Statuta Općine Centar Sarajevo-Prečišćen tekst ("Službene novine Kantona Sarajevo", broj 23/04), te člana 2. Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19, 29/20 I 2/24), Općinsko vijeće Centar Sarajevo je, na 37.redovnoj sjednici održanoj dana 06.03.2024.godine, donijelo

POSLOVNIK
O IZMJENI I DOPUNI POSLOVNIKA
OPĆINSKOG VIJEĆA CENTAR SARAJEVO

Član 1.

Član 81. stav 5. mijenja se i glasi:
Predsjedavajući ili dopredsjedavajući Općinskog vijeća koji predsjedava sjednicom može narediti da se iz sale udalji svaki vijećnik/vijećnica i građanin koji prati rad sjednice, ako narušava red.

Član 2.

Sve ostale odredbe Poslovnika Općinskog vijeća Centar Sarajevo ostaju nepromijenjene.

Član 3.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".



Predsjedavajući Općinskog vijeća

mr. Sejad Đozo

Broj:01-04-33/24

Sarajevo,12.03.2024.godine

Ova Odluka objavljena je na oglasnoj ploči Općine Centar Sarajevo dana 15-03-2024

Na osnovu člana 10. Statuta Općine Centar Sarajevo-Prečišćeni tekst („Službene novine Kantona Sarajevo“, broj 23/04, te Zaključka Kolegija Općinskog vijeća Općine Centar Sarajevo broj: 01-46-/23 od 21.06.2023.godine, Inicijative Kluba Samostalnih vijećnika Đenan Muminović prof. dr Velija Katica o donošenju Odluke Općinskog vijeća usvojene na redovnoj sjednici broj 01-45-729/23 od 02.10.2023.godine, Općinsko vijeće Centar Sarajevo je na 37.redovnoj sjednici održanoj dana 06.03.2024.godine, donijelo

ODLUKU

O PRAVIMA I NAČINU KORIŠTENJA PARKING PROSTORA ISPRED ZGRADE OPĆINE CENTAR SARAJEVO

Član 1.

Pravo korištenja parking prostora ispred zgrade Općine Centar, a koji je vlasništvo Općine Centar ima predsjedavajući Općinskog vijeća i njegovi zamjenici neograničen vremenski period.

Član 2.

Pravo korištenja parking prostora ispred zgrade Općine Centar, koji je vlasništvo Općine Centar, za vrijeme održavanja sjednica Općinskog vijeća, sjednica radnih tijela čiji su članovi vijećnice i vijećnici, kao i drugih aktivnosti koje organizuje menadment Općine Centar Sarajevo i Općinskog vijeća Općine Centar Sarajevo na kojima je obavezno prisustvo vijećnica i vijećnika Općinskog vijeća Općine Centar Sarajevo, imaju šefovi klubova političkih partija i samostalnih vijećnika, kao i vijećnice i vijećnici sa težim tjelesnim oštećenjima. Danima vikenda za potrebe održavanja vjenčanja u zgradi Općine, također će se dopustiti korištenje parking prostora ispred zgrade Općine.

Član 3.

Ova Odluka će se primjenjivati do donošenja druge odluke o pravima i obavezama za korištenje parking prostora ispred zgrade Općine Centar u vlasništvu Općine Centar.

Član 4.

Odluka stupa na snagu danom donošenja i bit će objavljena na Oglasnoj ploči Općine Centar Sarajevo, a naknadno će biti objavljena u „Službenim novinama Kantona Sarajevo“.

Broj:01-04-30/24
Sarajevo,12.03.2024. godine



Predsjedavajući Općinskog vijeća
Mr. Sejad Dožo

Ova Odluka objavljena je na oglasnoj ploči Općine Centar Sarajevo dana 15-03-2024

Na osnovu člana 13. stav 2. Zakona o principima lokalne samouprave u Federaciji BiH („Službene novine FBiH“ br. 49/06 i 51/09), čl. 10. i 68. Statuta Općine Centar Sarajevo - prečišćeni tekst („Službene novine Kantona Sarajevo“, broj 23/04) i čl. 32a stav (5) Odluke o zakupu stanova Općine Centar Sarajevo („Službene novine Kantona Sarajevo“ br. 17/23), Općinsko vijeće Općine Centar Sarajevo je na 37. redovnoj sjednici, održanoj dana 06.03.2024.godine, donijelo

ODLUKU

o zakupu stana u ulici Josipa Vančaša broj 15/pr

Član 1.

Halilović Jagodi, iz Sarajeva dodjeljuje se u zakup stan koji se nalazi u ulici **Josipa Vančaša broj 15/pr, površine 29 m², Sarajevo, šifra stana 051-004-002.**

Član 2.

Daje se saglasnost Općinskom načelniku da sa Halilović Jagodom zaključi ugovor o zakupu stana kojim će biti regulisana međusobna prava i obaveze, uključujući i zakupninu prema članu 37. stav (7) Odluke o zakupu stanova Općine Centar Sarajevo umanjenu za 50%.

Član 3.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u „Službenim novinama Kantona Sarajevo“.

Broj:01-19-1375/24

Sarajevo,12.03.2024.godine



Predsjedavajući Općinskog vijeća

Sejad Đozo

Ova odluka je objavljena na oglasnoj ploči

Općine Centar Sarajevo dana

13 -03- 2024

Na osnovu čl. 10. i 20. Statuta Općine Centar Sarajevo- Prečišćen tekst ("Službene novine Kantona Sarajevo", broj 23/04), te člana 30. stav (1) Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19, 29/20 i 2/24) Općinsko vijeće Centar Sarajevo je, na 37.redovnoj sjednici održanoj dana 06.03.2024.godine, donijelo

ODLUKU O RAZRJEŠENJU ČLANICE DRUGOSTEPENE ETIČKE KOMISIJE OPĆINE CENTAR SARAJEVO

Član 1.

Lejla Brčić, razrješava se dužnosti članice Drugostepene etičke komisije Općine Centar Sarajevo.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj: 01-04-27/24
Sarajevo, 12.03.2024.godine



Predsjedavajući Općinskog vijeća

mr. Sejad Đozo

Ova Odluka objavljena je na oglasnoj ploči Općine Centar Sarajevo dana

15-03-2024

Na osnovu čl. 10. i 20. Statuta Općine Centar Sarajevo- Prečišćen tekst ("Službene novine Kantona Sarajevo", broj 23/04), te člana 30. stav (1) Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19, 29/20 i 2/24) Općinsko vijeće Centar Sarajevo je, na 37.redovnoj sjednici održanoj dana 06.03.2024.godine, donijelo

ODLUKU

O IMENOVANJU ČLANA DRUGOSTEPENOG ORGANA ZA ŽALBE

Član 1.

Za člana Drugostepenog organa za žalbe, imenuje se Almir Džaferović.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj: 01-04-29/24
Sarajevo, 12.03.2024.godine



Predsjedavajući Općinskog vijeća

mr. Sejad Đozo

Ova Odluka objavljena je na oglasnoj ploči Općine Centar Sarajevo dana

15-03-2024

Na osnovu čl. 10. i 20. Statuta Općine Centar Sarajevo- Prečišćen tekst ("Službene novine Kantona Sarajevo", broj 23/04), te člana 30. stav (1) Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19, 29/20 i 2/24) Općinsko vijeće Centar Sarajevo je, na 37.redovnoj sjednici održanoj dana 06.03.2024.godine, donijelo

ODLUKU O RAZRJEŠENJU ČLANA DRUGOSTEPENOG ORGANA ZA ŽALBE OPĆINE CENTAR SARAJEVO

Član 1.

Haris Bulutović, razrješava se dužnosti člana Drugostepenog organa za žalbe Općine Centar Sarajevo.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj: 01-04-28/24
Sarajevo, 12.03.2024.godine



Predsjedavajući Općinskog vijeća

mr. Sejad Đozo

Ova Odluka objavljena je na oglasnoj ploči Općine Centar Sarajevo dana

15-03-2024

Na osnovu čl. 10. i 20. Statuta Općine Centar Sarajevo- Prečišćen tekst ("Službene novine Kantona Sarajevo", broj 23/04), te člana 30. stav (1) Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19, 29/20 i 2/24) Općinsko vijeće Centar Sarajevo je, na 37. redovnoj sjednici održanoj dana 06.03.2024.godine, donijelo

ODLUKU

O RAZRJEŠENJU ČLANA KOMISIJE ZA JAVNA PRIZNANJA I OBILJEŽAVANJE HISTORIJSKIH DOGAĐAJA I LIČNOSTI

Član 1.

Mehmed Muharemović, razrješava se dužnosti člana Komisije za javna priznanja i obilježavanje historijskih događaja i ličnosti.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj: 01-04-34/24

Sarajevo, 12.03.2024. godine



Predsjedavajući Općinskog vijeća

mr. Sejad Đozo

Ova Odluka objavljena je na oglasnoj ploči Općine Centar Sarajevo dana

15-03-2024

Na osnovu čl. 10. i 20. Statuta Općine Centar Sarajevo- Prečišćen tekst ("Službene novine Kantona Sarajevo", broj 23/04), te člana 30. stav (1) Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19, 29/20 i 2/24) Općinsko vijeće Centar Sarajevo je, na 37.redovnoj sjednici održanoj dana 06.03.2024.godine, donijelo

ODLUKU

O IMENOVANJU ČLANA KOMISIJE ZA ZAŠTITU LJUDSKIH PRAVA I RAVNOPRAVNOST SPOLOVA

Član 1.

Za člana Komisije za zaštitu ljudskih prava i ravnopravnost spolova, imenuje se Amir Džuliman.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj: 01-04-25 /24
Sarajevo,12.03.2024.godine

Predsjedavajući Općinskog vijeća
mr. Sejad Đozo



Ova Odluka objavljena je na oglasnoj ploči Općine Centar Sarajevo dana 15-03-2024

Na osnovu čl. 10. i 20. Statuta Općine Centar Sarajevo- Prečišćen tekst ("Službene novine Kantona Sarajevo", broj 23/04), te člana 30. stav (1) Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19, 29/20 i 2/24) Općinsko vijeće Centar Sarajevo je, na 37.redovnoj sjednici održanoj dana 06.03.2024.godine, donijelo

ODLUKU

O IMENOVANJU ČLANA KOMISIJE ZA ZAŠTITU LJUDSKIH PRAVA I RAVNOPRAVNOST SPOLOVA

Član 1.

Za člana Komisije za zaštitu ljudskih prava i ravnopravnost spolova, imenuje se Amir Džuliman.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj: 01-04-25 /24
Sarajevo,12.03.2024.godine

Predsjedavajući Općinskog vijeća
mr. Sejad Đozo



Ova Odluka objavljena je na oglasnoj ploči Općine Centar Sarajevo dana **15-03-2024**

Na osnovu čl. 10. i 20. Statuta Općine Centar Sarajevo- Prečišćen tekst ("Službene novine Kantona Sarajevo", broj 23/04), te člana 30. stav (1) Poslovnika Općinskog vijeća Centar Sarajevo-prečišćen tekst ("Službene novine Kantona Sarajevo", br. 23/04, 11/13, 13/17, 24/19, 31/19, 29/20 i 2/24) Općinsko vijeće Centar Sarajevo je, na 37.redovnoj sjednici održanoj dana 06.03.2024.godine, donijelo

ODLUKU O RAZRJEŠENJU ČLANICE KOMISIJE ZA ZAŠTITU LJUDSKIH PRAVA I RAVNOPRAVNOST SPOLOVA

Član 1.

Aida Begić, razrješava se dužnosti članice Komisije za zaštitu ljudskih prava i ravnopravnost spolova.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj: 01-04-24/24
Sarajevo,12.03.2024.godine



Ova Odluka objavljena je na oglasnoj ploči Općine Centar Sarajevo dana

15-03-2024